

## Universitätsbibliothek Paderborn

### **R. P. Richardi Arsdekin Soc. Jesu Sac. Theol. Professoris Theologia Tripartita Universa**

Complectens nunc Bibliothecam perfectam Viri Ecclesiastici, ordine  
sequenti

Controversiae Heterodoxae Ac Scholasticae - Cum speciali Notitia rerum  
Modernarum, & Chronologia totius Monarchiae Sacrae, & Saecularis,  
Pontificum, Conciliorum &c. Haeresum omnium, ac Propositionum  
damnatarum Mundi Sex Aetatum ...

**Archdekin, Richard**

**Dilingae, 1687**

Articulus IV. Calumniæ quædam apertæ contra doctrinam Ecclesiæ  
Romanæ à Novatoribus conflictæ.

**urn:nbn:de:hbz:466:1-38447**

litare videantur, quales sunt Ofiandini, Stancariani, & liique quorum dogmata non recenseo.

Hæc tantum pauca unius Sectæ Capita ex fidis Scriptorum monumentis collegisse, atque in hunc ordinem claritatis causâ redigisse sufficiat. Ut quisque propriæ, aut alienæ saluti confuturus, dilucide perspiciat, ex uno Lutherio ejusque triplici Secta, quot iterum nova Secta inter se toties disflecte, rese & que assiduo pullulaverint: quæ in perpetuis dogmatum, animorumque diffidisi natæ, & adulæ, potius palestræ alicuius gladiatoria, quam unius Ecclesiæ speciem habent.

Sed nondum finita sunt istæ Sectarum diffensiones, Transiunt ad modernos Neptores cum antiqua hæresi nova dogmatum diffidia. Hæc inter Hollandiæ Ministros hodie flagrantia, eleganti stylo describit *Fridericus Spanheimius* apud ipsos Sectarios Sacramum literarum Professor, in *Epistola ad Amicum*, de novissimis illic circa Res Sacras diffidiis, edita Lugduni Batavorum hoc anno 1677.

#### CONCLVSION.

**E**T verò ex harum Sectarum discordiis quot nata fuerint per Europam prælia, quot bellis ac cædibus lacerata Germania, loquuntur & tatis nostræ historia, ac superiorum temporum ferales ruina. Quis enim ignorat ab ipso exordio quid per Germaniam accedit in rusticano Lutherenorum tumultu, qualia inter confederatos Tigurinorum prælia exarserint, quo pæcto harum discordiarum occasione Prussiam Germaniæ eripuerit Polonus, Solymannus Hungariam, nec Suecus pauciora vastaverit. Per Galliam verò, & florentes olim Belgarum Provincias, quam internecinis odiois hæc Sectarum furia sacra omnia ac profana misuerint, testantur adhuc recentia non minus odiorum, quam præliorum vestigia. Sed quid antiquiora memoramus? Non portuit toto Oceano cohiberi illud rapidissimum Lutheranicu[m] furoris incendium, ne Angliam universam novis diffidiis, bellis, ac cædibus inflammarerit. Recenti adhuc memoria[rum] retinemus, quam infestis in se invicem odiois, atque armis incurserint Protestantes, Puritanî, Presbyteriani, Independentes, atque ex eodem Germine, Sectarum de novo nascentium confusa progenies: quæ ad illum furoris apicem progressa est, ut non dubitaverit supremum Religionis sua Caput excutere, ac dicatas sceleri manus Regio sanguine cruentare.

Et erit etiamnum aliquis adeo fatuus & excors, ut serio in animum inducat suum, infinitam Dei Sapientiam reformandæ sua Ecclesiæ hanc hæresim inter se munito disjectarum atque armatarum colluviem in orbem immisisse. Quæ cum antiquam Ecclesiæ evertat, neque per se novam, nisi merè Babyloniam constituat, quid aliud restat, quam ut omnem Christi Ecclesiæ ē mundo elimeret. Quis igitur erit, nisi rationis penitus expers, qui libi finat persuaderi, huic portentosa tot capitum Hydra Spiritum inesse divinum, qui audiū debeat, contra autoritatem & vocem totius Ecclesiæ Romane, quæ constanti Sedecim sectolorum decursu suam Fidem, cœlestibus signis comprobata, summo animorum, dogmatumque consensu, per orbem pœnæuniversum propagavit.

Reftat igitur ut ex his Sectarum dogmatumque diffidiis haec tenus explicatis, hoc porro firmum, in-

viçtumque conficiatur argumentum. Tota illa Sectarum collectio pro primo sua fidei articulo profitetur, se missam à Deo ad reformatum Ecclesiam Romanam. Sed collectio Sectarum sibi mutuo contradicentium non potest esse vera, aut reformatrix Ecclesiæ, ut jam ostensum est. Ergo moderna collectio Sectarum, quæ profitetur se missam à Deo ad reformatum Ecclesiam Romanam, non potest esse vera Christi Ecclesia, aut reformationi idonea. Sic enim curvitas esset norma recti; & falsitas, & contradictione regula perfectæ veritatis. Videat ergo in quanto salutis æternæ naufragio veretur, quisquis extra gremium Ecclesiæ Romane inter has Sectarum syrtes miserè fluctuantur.

#### ARTICULUS IV.

*Calumnia quedam aperta contra doctrinam Ecclesiæ Romane à Novatoribus confite.*

*Calumnia prima: In cultu Imaginum.*

**F**amiliale est Sectarii quamvis labem Catholicis aspergere, quâ apud ignarum populum deformes aut monstroſi apparent. Colunt hi veterusto majorum ritu imagines Christi ac Sanctorum: hinc facunda seges Calumniarum. De Papistis, inquit, conclamatum est: fugienda hæc hominum pestis: non tantum impii sunt, sed etiam Sacilegi, neque sacrilegitant, sed etiam cultores idolorum; Christiani hominis nomen exuerunt, cum ethnicis insaniunt, infidelium more lapides, & ligna adorant.

At tu, Sectarie, Calumniam loqueris quovis lapide & ligno crassiore. Orant Catholicæ ad statuas lapideas Sanctorum, infers, ergo statuas lapideas adorant. En tibi in simili forma formofum argumentum: Orant Sectarii in templis ad Aras aut Columnas lapideas, ergo lapideas aras aut Columnas adorant. Errore isto nos facile liberabis, si tu prius errare desinas. Fides nostra est, cultum divinum nulli creatura deferendum; si tu aliam nobis invitî affingas, tuum istud figmentum, non nostra religio est. Imaginem Sancti hæratione veneramus: primò ut ea conpesta ad cultum sancto absenti deferendum moneamur, sicut tibi, Sectarie, visa in conclavi tui Regis effigie subi animum grata quadam ac venerabunda benefic. Principia recordatio. Hoccine tibi novum crimen, & inauditum genus Sacilegii? Altero modo imagines ipsas in honore habemus, quia Sanctos homines, & Deo charos repræsentant: si ut tu, Sectarie, Bibliorum volumina, quamvis ex charta & atramento conflata, p[er] alios libris in honore habes & oscularis, quia in illis descriptum Dei verbum continetur: neque sua altari aut calcibus in facis litteris derogatur veneratio, quorum Sacilegum abusum in Rege Balthasare cœlestis ultio vindicavit. Quidquid verò nos Sancti in Imagine deferimus, id volumus universum in Deum ipsum redundare, cuius unius gratia p[er] alios homines Sanctos honore profequimur. En quo recidit immanis illa Papistarum impietas, & per cum Ethnicis cultus idolorum.

Esto, inquit, ista ratione Catholicæ quidam doctiores à cultu Imaginum idolatriæ maculam detergant, at populus passim eo errore dementatur, ut credat imaginibus Numen aliquod, aut pote-

porestatem naturæ viribus majorem inesse. Hinc illis genua flectunt, oscula figunt, luminaria accendunt, tempa atque aras Sacilego cultu contamnam.

Nova hæc est calumnia, quæ peperit disciplina Catholicae crassa nimis ignorantia, hanc tibi palpandam præbeo. Quero enim, an populus noster exsimet se crimen aut sacrilegum admittere, si Sancti alicuius statuam argenteam aut æream confingat, confractam communiat, & in pateras, lances, aliquo usus convertat, quando id publicæ, aut etiam privata utilitatæ ratio fieri depositit. Nemo est inter nos qui hunc Ecclesiæ sua pervulgatum usum & institutum ignoret. Numen seilicet messe credit statuæ quam frangit, ligno quod fecat, imagini quam in publica Ecclesiæ luce lacerat atque communiat. Apage cæcam calumniam: non sunt hæc nostri Pöpeli, sed tui Ministelli deliria, cui parum est in re aperta excutire, modò vel sic Religioni Romanae aliquam impietatis larvam, imponat, contra quam possit e Cathedra falsitatis, ad captandum populi sui plausum, liberius denotare.

*Calumnia secunda: De signo Crucis.*

**A**ltera calumnia est, Catholicos ligna in Crucis modum transverſa populo adoranda proponeant: sibi persuadere in hoc signo latere internam & arcenam virtutem, ad pellendum quoslibet morbos, & quamlibet dæmonum potestatem debellandam. Et quamvis Catholici omnes uno ore reponant, se neque adorare, neque invocare aliquam internam ligni virtutem, sed adorationem, ac fiduciam suam ad Christi in Cruce passi personam referre, surdis canunt, qui audire nolunt quid Catholici credant, sed quid Sectarii ipsis affingant, tanta est convitiandi libido. Ut vero exornando huic convitio populare ludibrium adjiciant, Catholicum percundantur: An si parens illius aut avus in patibulo expirasset, propterea veller Patibulum in familia suæ insignia adoptari? O pius, ac dignum Chrifiano homine argumentum. Quero ego vicissim: An si parens tuus in Cruce expirasset, illum hominem tanquam tuum actotius mundi Salvatorem adorares? Absit, inquit, istud nefas: alius enim Homo est Christus, quam quisvis cæterorum mortalium. Vides quam faciliter ipse ruitum enerves ludicram quæsiōnem. Si ergo humanius Christi pro nobis passam propter unionem cum Verbo tanquam instrumentum redempcionis nostra adorare non recusas, cur signo Crucis ob singularem conjunctionem cum Christi humanitate nullum genus facere venerationis deferendum censes? At, inquit, populus signatus non Chrifum, sed ipsum lignum Crucis adorat. Verum contra, populi cultum constituit non aliena cogitatio, sed propria intentio. Audi ergo & paucis cape, In Cruce non colit lignum, sed in ligno Chrifum adorat: quem autem adorat, illum & invocat, & propter hunc, Crucem in quo passus est tanquam passionis instrumentum & signum in honore habet. Tunc audeas apertâ fronte profiteri, te non magis Crucis signum, quæ latronis patibulum venerari? Tam sacrilegam vocem non tantum dæmones, sed etiam plerique horum temporum Sectarii exhorrescent. Non adeo possunt

primæ Ecclesiæ monumenta ignorare, ut de Crucis veneratione ac virtute tempore Hieronymi, Augustini, Tertulliani, Constantini, ac Helenæ nihil in aures animumque admiserint. Obvium est quod narrat S. Augustinus lib. 22. de Civit. Dei cap. 8. matronam quandam Carthaginensem nomine Innocentiam, cum immedicabili morbo sinum illi cancer excederet, signo Crucis repente curatam esse. Nec minus notum, quod refert S. Hieronymus in vita Hilarionis. Exerto ingenti terra motu, post mortem Juliani, maria suos terminos egressa Epidauris exitium minabantur: horum rogatu S. Hilarion contra tumultum maris gurgitem signum Crucis in arena formavit, confestimque stetit indomitum elementum, ac retro relapsum in suum fæse alveum recepit. Hoc (inquit Hieronymus) Epidaurus & omnis illa regio usque hodie predicit, matresque docent liberos suos ad memoriam in posteros transmittendam.

*Calumnia tertia: De quadam Joanna Papissa luculentè refutatur.*

**M**odernis Sectariis, maximè Anglis, objicunt Catholici, quod regnante Elizabethâ, feminam Sacrae potestatis & Ordinis incapacem, in Ecclesiæ sua Caput evixerint. Hærent illi ad hoc exemplum orbi hæc tenus invisum, tanquam ad aperatum Sectæ acephalæ argumentum. Sed, cum alia arte monstrofi Capitis deformitatem abstergere nequeant, aliud monstrum non dissimile Catholicis affingunt. Ajunt enim anno Christi 855. Leoni IV. in Sede Romana successisse fœminam, quæ in Pontificatu dicta fuerit Joannes VIII. & in eo sedisse annis duobus, & mensibus quinque. Hanc vero Joannam volunt fuisse origine Anglam, sed natam Moguntiæ in Germania, & à quadam amasio in habitu virili ductam Athenas, postea scientiis instruētam venisse Romanam, ibi ementito sexu in Pontificem electam. Denique dum de S. Petro in Lateranum tenderet, in via coram populo peperisse, & se fœminam prodidisse.

Videamus quam bellè inter se hujus segmenti membra cohærent. Assumpta est, inquit, in Pontificem 855. interea per quadringentos annos usque ad quedam Martinum Polonum qui vixit anno 1250. omnes historiæ Ecclesiasticae Scriptores rem tantam, tamque publicam ignorarunt, aut de ea, quasi conjuratione factâ, homines tot sculpi diffisi in suis scriptis penitus siluerunt; in quorum Monumentis immediate post Leonem IV. configuratur Benedictus III. nullus istius fabulosi Joannis aut Joannæ facta mentione.

In gratiam, inquit, Romana Sedis rem tam deformem in Catalogo Pontificum ultro præterierunt. At quamvis ita tam admiranda tot seculorum conspiratio latinos Scriptores invasisset: Græci tamen autores ut est Zonoras, Cedrenus, Curopalates, qui ante Martinum Polonum Annales scriperunt, pro suo erga Sedem Romanam odio & invidia, historiam tam enormous minimè reticuerunt: multò minus istorum temporum hæretici Sedi Apostolicae hostes infensissimi. Audiverint forte hujus fabule primi autores, fœminam aliquam in aliquo privata Ecclesiæ sedem irrepisse, statimque odio simulante rumorem illum Sedi Romanae affigere non dubitarunt.

Deinde

Alsde  
kin

Theo  
logia

D 28

## Artic. IV. Calumniæ Novatorum.

Deinde ipsa qua circumfertur facti narratio aper-  
tè fabulam prodit. Magdeburgenses centur. 9. Cap.  
20. ajunt fuisse Anglam, eo quod fuerit ex parente An-  
glo nata Moguntia. Theodorus autem & Biblian-  
der in Chronico, asserunt tantum dici Anglam, eo  
quod in Anglia educata & litteris erudita fuerit. Ger-  
ardus vero refert pro Angla habitam, eo quod Mo-  
nachus Anglus eam ementito habitu, per Galliam  
& Italiam circumduxit. Alii demum tradidunt eam  
non fuisse eruditam in Anglia, sed Athenis operam  
studiis dedisse; cum tamen ex Bellarmino & aliunde  
proberet ea tempestate litterarum studia usque ad  
Bardam Cælarem in tota Gracia extincta fuisse.  
Quam quoque hæc tam pugnantia testimonia referunt  
speciem veritatis? Denique quis credat, hanc fœm-  
inan sagacissimam, que in reliqua ætate sexum tan-  
to studio & arte celaverit, adeo fuisse imprudentem,  
imo dementem, ut, cum seiret se tot mensibus ure-  
rum gerere, in publicum processerit, suamque infamiam  
toti populo spectandam ac vindicandam pro-  
diderit. Quid vero de ea in tantis flagitiis deprehen-  
sa factum fuerit, quomodo postea vixerit, aut quo-  
modo obierit, inter ipsos etiam Adversarios ultum si-  
lencium, ac si ipsa una cum hac fabula è rerum natura  
subito evanisset. Apage indignum sano cerebro com-  
mentum, ex quo nihil aliud probant nostri Sectarii,  
quam infamam, cacamque contra Ecclesiam Romanam  
columniandi libidinem.

Atque ut calumniam tam infelicer fabricatam,  
si quid habeant frontis, tandem erubescant: Con-  
sulant de ea confutations Blondelli ex ipsa Calvini  
Secta viri literatissimi, qui postquam ex antiquioribus  
monumentis hujus fabulae authores, tempus, lo-  
cum, ac partes omnes accuratè expendidit, demum  
aperte demonstrat, nullam subesse veri speciem, to-  
tum esse inane figmentum, & suis architectis maximè  
probossum. Adeo nempe luculenta est veritas, ut suis  
etiam adversariis suffragium extorqueat.

*Referuntur Calumniæ quedam aperta à Ministris  
prefertim in Anglia confusa.*

**A**scurrunt imprimis Catholicos in penitentia Sa-  
cramento impune omnibus flagitiis frana laxare:  
ac pro criminibus in futurum perpetrandis absolu-  
tionis beneficium impetrari. Ut corruiat haec Mini-  
strorum infamis ignorantia, aut versuta ignorantia  
simulatio, sufficiat ad singulorum Catholicorum testi-  
monium, & conscripta passim fidei nostræ monumen-  
ta appellare, in quibus de absolvendis peccatis in fu-  
turum committendis, ne tenue quidem vestigium de-  
prehendens: quinimo omnes passim Sectarii, cum ipso  
Lutherò, Confessionem peccatorum apud Papistas  
crudelissimam conscientia carnificinam appellant.  
Tambellè criminationes illa inter se concordant, quæ  
solent mendacia convenire.

Iterum, ut impingant Catholicis omnium scelerum  
carnisque licentiam, ajunt gravissimam quæque flagitia  
inter illos pro venialibus haberi. Refert in hanc rem  
Joan. Berclaius, se præsente à Serenissimo Anglia Re-  
ge interrogatum ex suis Episcopis aliquem: ecquid Ca-  
tholici de Fornicatione sentirent? Atque illum sine  
cunctatione respondisse, inter Scriptores Catholicos  
esse qui Fornicationem in Venialibus numerent. Com-

motus mendacio tam splendido Berclaius liberè re-  
puit, Non visum esse inter Catholicos probatum autho-  
rem cuius doctrina tam infandum prebeat Veneri pa-  
trocinium. Dum inter hos de ea quæstione pluribus  
disceptatur, subintrat conclave regium Episcopus alter  
non levius famæ Sectarius. Rex ad hunc conversus: hic,  
inquit, disputatur, an Catholicæ doceant Fornicationem  
mortalem esse culpam, an venialem. Ille confestim, ac  
si de re notissima sententiam pronunciaret, Veniale  
omnino (Rex Serenissime) Veniale culpam existi-  
mant. En quales hi sunt Seniores populi, qui Ecclesiam  
Romanam, ut innocentem Susanam, suis calumniis &  
convictis opprimunt. Hi sunt idonei Judices controver-  
siarum fidei, haec oracula fallere & nulli neficia, ex quo  
rum ore populus discernat quid Apostoli, quid Patres  
antiqui, quid præfæcæ Ecclesia docuerit, qui in doctrina  
præfenti & ante oculos posita tam malignè cacciant.

*Plures aliae particulares Impositione, ac Maledi-  
centia Sectariorum, præfertim Cal-  
vinistarum.*

**G**abriel Povelus Calvinista in priori suo libro de An-  
tichristo, in ipsa præfatione de Pontifice Romano  
sic loquitur: *Deum sanctè teſtor, me tam certò ſcire Ponti-  
ficem Romanum eſſe magnum illum Antichrīſtum, quam  
Deum ipsum eſſe in cælo, Creatorem viſibilium & inviſibilium,  
& Iesum Christum verum illum eſſe Mefiam Patri-  
bus oīl promiſſum &c.* En symbolum Calvinisticum,  
ad cuius articulos non magis spectat Deum eſſe in cælo,  
& Christum verum eſſe Mefiam, quam Pontificem  
Romanum verum eſſe Antichrīſtum. Hoc tamen Apo-  
ſtoli ſuo Symbolo nufpiam appofuerunt. Plura ſcilicet  
de hoc revelata ſunt Povelo cum suis, quam ipſis Apo-  
ſtolis.

Pergit Povelus l.2. de Antichrīſto c.2. contumeliose  
affirmans. *Cardinales, Episcopos, Canonicos, Monachos, eſ-  
ſe Locutas vaſtarices, eſſe mendaces, eſſe homicidas &c.*  
Quam effrenata haec contumelia in præcipuis orbis  
Christiani familias ad Cardinalatus dignitatem eveſtas.

Quid mirum ſi hic cum Pareo, Burdo, aliisque  
eiusdem Scholæ, vocitent *Iefuitas*, membra Diaboli,  
progenies viperarum, ranas coaxantes, Caudam Anti-  
christi &c.

Sed nec parcit horum Spiritus horrendum in  
modum maledicere Christis Domini, hoc eft, ſi  
premis Ecclesiæ Christianæ Principibus, & Monar-  
chis. Sic enim illoſtraetat Brederodius Calvinista in  
libello cui titulus: Federatorum inferiorum Germanie  
defenſio tercia &c. ubi non dubitat pronunciare,  
*Quod Philippus Rex Hispanie ſit raptor, & notorius hereticus,* ideoque omnibus omnium Calvinistarum viri-  
bus ē regno ſuo expellendus. *Quod Archiduces Austriae*  
*fint perfidi. Dux Sabaudie crudelis & perfidus.* Sigis-  
mundus tunc Rex Polonie non diſſimilis &c. Hunc Spi-  
ritum hauerunt poſteri à ſuis majoribus, ipſo Calvi-  
no, Beza &c. *Calvinus in Capit. 6. Danielis* ſic ſcribit:  
*Principes terreni ſe contra Deum extollunt, ſuā ſe ipſi poten-  
tia privant, imò verè indignissimi ſunt qui hominum  
caſu ac numero repantantr. Potius igitur illis eſſe fa-  
ciles conſtruenda, quam ipſorum imperiis obtemperandum,*  
*nisi omnem ſuperitionem extirpent, & funditus tol-  
lant.* Haec & alia hujus generis atrocissima fufius  
deducta reperiuntur apud Ludovicum Richcomum  
in ex-

in expostulatione Apologetica ad Regem Navarræ,  
cap. 28.

Auctoritatem antiquorum ac Sanctorum Patrum contra suos errores, quantum vilipendant Calvinista, patet in particulari ex Francisci Junii Animadversionibus circa lib. 3. Bellarmini de Pontifice, ubi paullum sic pronunciat: *Patres à vero plurimum aberraverunt. Hæ sunt mera Patrum conjectura. Sunt vanae sufficiōes quibus boni Patres plus satis indulserunt &c.* Et in hoc Antiquorum Patrum contemptu non aliis quam sui Calvini vestigiis egregiè insistunt.

Agens enim *Calvinus* de concupiscentia instit. lib. 3. §. 10. Neque opus est (inquit) multum investigando laborare quid bic Veteres senserint &c. De satisfactione, instit. lib. 3. cap. 4. §. 38. Parum me moveat, que in Veterum scriptis de satisfactione paucim occurserunt. De Laicis in necessitate baptizantibus, instit. lib. 4. cap. 15. §. 10. Quod autem multis ab hinc seculis, adeoque ab ipso fere Ecclesiæ exordio usū receptum fuit, ut in periculo mortis Laici baptizarent, nou video quam firma ratione defendi queat.

Ex his patet simul mirus Ecclesiæ Christianæ contemptus, simul manifesta halucinatio, Quod cum hi Sectarii appellant ad primitivam Ecclesiam, quam agnoscunt infallibilem, nihilominus antiquorum Patrum auctoritatem sic vilipendant, ut suum illis iudicium preponant.

In contemptu Sanctorum cum Christo regnantium, en Calvimum eo progressum ut eos larvae, Carnifices, bestiarappeller lib. 3. Instit. cap. 20. §. 27. Inde, inquit, colligimus nihil eos Christo reliquum facere, qui primitivo ducunt eis intercessionem nisi accedant Georgius, & Hypolitus, aut similes larva. Et in libro de ratione Reformationæ Ecclesiæ. Omitto Dominicum, & similes carnifices: Omitto Methardum, Lubinum, & similes bestias. Et Instit. cap. 20. §. 24. Quis consue longas illis (sanctis) effigies revelavit, que ad nostras voces porrigitur? Respondeat huic maledicio nomine totius Ecclesiæ primitivæ S. Augustinus Serm. 27. de Sanctis: *Quisquis, inquit, honorat Martyres, honorat & Christum: & qui sacerdos Sancti, sacerdos & Christum.* Atqui Calvimum cum affectis sanctis spernere, ex dictis manifestum est. Ergo illos Christum etiam spernere nimis perspicuum evadit.

De fallaciis eorum & equivocationibus in articulis fidei, specimen ex multis unum adnotare juvat. Beza Calvini discipulus ut Lutheranus in suam Sectam specie concordia fallaciter attraheret, anno 1556. scriptis Confessionem fidei in qua afferuit, *Corpus Christi verè & realiter esse præsens in Cœna & communione Eucharistiæ.* Sed cum Lutherani conclamarent, Beza teste, Zwingianos Calvinistas jam suam doctrinam & Sectam deferuisse, idque hi Beza gravior reprehobrarent. Tum demum Beza insigni auctu respondit, scilicet quidem id scripsisse, sed per hoc intelligendam non esse *Cœnam Domini qua celebratur in terra*, sed *Cœnam illam qua celebratur in celo*, ubi Christus vere & realiter præsens est. En quales Prothei! quam fideles pro reformatio Ecclesiæ Apostoli: Hoc Beza factum disertè tradit Bellarminus lib. de Eucharistia, cap. 2. & testatur Claudius Sanctus in Responsion. ad Bezae apologeticam.

Offenditur Impostura iniquissima ANTONII EGANI de qua si Simoniaco Ecclesia Romane per Apostolicos Missionarios.

Prodiit non ita pridem pestifer Libellus Antonii Egani, qui deserit avitā fidē, & religiosa professiōne, ex Hibernia in Angliam profugit, nec enim Hiberniæ tellus animal tam venenatum in suo gremio sustinere potuit. Vulgavit ille contra Apostolicos Missionarios calumniam mira arte confitam, de qua si facilego ac Simoniaco, quo singula flagitia venalia exponunt, taxato etiam pretio quod ex eorum absolutione aut dispensatione corrogare debent: tanta solet esse transfigis calumniandi libido. Nolo ego (quod mihi promptum fore) rem hanc pluribus perseQUI, sed tantum paucis, & absque ullius offensione calumniam adeo perniciosem dissipare, ne perget incertos in errorem inducere.

Atq[ue] imprimis quero, Egane, quibus argumentis, tabulis, ac testibus hanc accusationem gravissimam in publica orbis luce confirmas? Hoc ut praeterea omnium leges, & ipsius Angliae statuta requirunt, quæ jubent Accusatorem legitimam criminis probatione constitutum Impostoris infame nomen ac poenam subire. Hic vero, in accusatione gravissimam nihil aliud Eganus nisi suam unius fidem, eamque levissimam, in causa sua testimonium adducit. Cu[m]tamen Jus omne tam civile, quam Canonicum, & ipsum Actorem, & inimicum, & malevolum, & infamem, & Apostatam, à testium numero penitus excludat. Vide si quid Juris delibasti C. Cum oporteat de Accusat. Et I. Juſta ff. de manu vin. Et in C. Alieni erroris. 3. q. 4.

Ex quibus manifeste conficio tantum abesse ut tuo testimonio suscepit accusationi ullam veritatis umbra conciliis, ut potius te ipsum execrande calumniæ authorem, & impostorem poenis obnoxium admittere cogaris. Neque vero arbitrör ipsa Catholicorum tribunalia adeo esse æquitati inimica, ut audiendos censcant fugitivos in suos Dominos crimina producentes, nullo alio teste, nullis tabulis, nullâ veri specie comprobata.

Secundò, interrogandus mihi est Eganus, quo pacto fieri posuit ut Missionarii Apostolici impune, & ex prescripto Cancellariæ Romanæ, ut ipse fingit, quæstum Simoniacum ubique exerceant, quem ipsa Ecclesia, cum Pontifice Romano, in ecumenicis Conciliis congregata, severissimis semper legibus damnat, ac penis infectatur? Legantur censure ac poena gravissima contra Simoniacos ab Ecclesia Romana constituta in Concilio Romano primo sub Alexandro II. Pontifice. Extant contra eosdem Decreta Concilii Placentini, ubi traduntur fuisse quatuor millia Clericorum tempore Urbani II. Eadem fuit mens & sententia Patribus ex toto orbe Christiano congregatis in Concilio generali Lateranensi VI. sub Innocentio III. cap. 36. Nec minor nostro aeo cura incelsit omnes Ecclesiæ Praefules in Tridentina Synodo collectos, ne quem è suo corpore, aut aliud Ecclesiæ membrum excrecanda Simonia pestis afflatet, contra quam firmissimos legum obices opponit selfi. 21. in decreto de Reformatione cap. 1.

His accedunt gravissima Pontificum diplomata,

N

quæstui

R. P. Arfdekk. Tom. I.

Isde  
kin

Theo-  
logia

D 18  
28

quæstui Simoniaco omnis in Ecclesiam aditus severissimè p̄cluditur. Et quidem Eugenius IV. precedentium Pontificum ac Conciliorum vestigis insitens suo diplomate, post multa in hanc rem decreta, his verbis concludit. Statuentes præterea quod universi & singuli, etiam præmissa (quavis) dignitate p̄diti; qui quomodolibet dando vel recipiendo Simoniam commiserint, aut ut illa fiat Mediatores extiterint, seu procuraverint, sententiam excommunicationis incurant &c. Et ne harum legum vigor lapsu temporis vel in minimo laxaretur, proximo saeculo disserre innovantur à Leone X. in sua Constitutione quæ incipit *Superna. §. 37.* Constitutiones, inquit, per Antecessores nostros, etiam in Sacris Conciliis contra hujusmodi Simoniacos editas innovamus, eaque inviolabiliter servati p̄cipimus, ac p̄nas in eis contentas pro exp̄ressis & insertis haberi, & delinquentes, etiam auctoritate noltra, affici volumus. Atque has Constitutiones perpetuo valituras & in quovis Ecclesia tribunali severissimè observandas, non minor semper curâ alii, atque alii Ponitices instaurant.

Quis ergo, nisi satatus, uni credit Egano fugitivo, Apostata, & Ecclesiæ Romanae hosti jurato, contra hæc quæ adduxit testimonia, ac publica Ecclesia Jura, ac tribunalia toto orbe notissima.

Hinc ego vos, Academic Oxienses, qui Egani libello testimonium apposuitis, & omnes cordatos monitos velim, ut omnia sedulò circumspiciatis antequam aurem hujusmodi Trafisfugis, multò minus fidem prebeatris, qui prius honestatem omnem quam fidem exuerunt.

Venient illi ad vos in vestimentis ovium, intus autem sunt luprapaces, qui non dubitan quavis calumniæ Ecclesiæ Romanae famam lacerare, ut hac infamie arte vestram gratiam ac patrocinium promereantur. Latet, mihi credite, latet intus fraudulentus Sinon, qui multa de Danias mentitur, paratus interea, si res ferar, vestram quoque Trojam incendere, eoque se prospire quo libido, quo lucrum, quo novus furor impulerit. Tales, inquit *Erasmus ad Unibaldum*, tantum querunt censem, & uxorem, cetera praestat illis Evangelium, hoc est, pœnlatem vivendi ut volunt. Neque hic de genio irrequieto quo transfiguræ illi agitantur nostri tantum temporis sensus aut censura est. Innatam illis levitatem ac depravatam indolem vivi coloribus depinxerunt nobis primi Ecclesiæ Patres, ne malis artibus incautos in fraudem inducerent. Non exiftimes, ait S. Cyprianus de unitate Ecclesiæ, bonos de Ecclesia posse difcedere; triticum non rapit ventus, nec arborem solidam radice fundatam procella subvertit, inanes paleæ tempestate jaçtantur, invalidæ arbores turbinis incurvionis revertuntur. In eandem sententiam notat Tertullianus per hujusmodi Ecclesiæ spumas ac vilia purgamenta, sincerum illius corpus magis purum, integrumque conservari. Avolent quantum volent paleæ levis fidei quocunque afflatu tentationum, eò purior massa frumenti in horreo Domini reponetur. Hæc omnia in levissimis Egani moribus quam aperte eluceant quisquis observare voluerit, facile concluder, nihil aliud ab hujusmodi protheo, quam malas artes, fraudes, ac calumnias, expectandum fuisse.

*Contra fatuam Conclusionem Andreae Sall pro Secta Protestantum suscipienda.*

A Sseritille, in sua Recantatione, post diuturnum studium, ac considerationem Ecclesiæ Romanae, & Lutheranae, setadem *Conclusisse*, Fidem Ecclesiæ Anglicanae tutiorem & securiorem esse pro sua salute, quam viam Ecclesiæ Romanae.

Itane tu conclusis, infelix Dialetice: Expediti figitur, te fatente, pro veritate Ecclesiæ Romanae totius panè orbis Christiani commune testimonium, per mille quingentos annos à Christo usque ad Lutherum, omnium populorum, omniumque gentium confessum receptum. Adeo ut toto illo seculorum decursu, præter Romanam, nullam omnino possit designare Ecclesiæ palam cognitam, de qua potuerit verificari perpetuus illius symboli articulus, Credo in Sanctam Ecclesiam Catholicam. Nulla ergo in orbe terrarum per mille quingentos annos publicè nota fuit Catholicæ, id est, universalis Christi Ecclesiæ, vel sola debuit esse Romana. Et tu ex hac præmissa conclusis, rejecta Religione Catholicæ ac Romanae, securiorem tua saluti fore Confessionem Protestantum in Anglia, quam & tota Ecclesiæ Catholicæ, & alia Sectæ per orbem diffusæ, & maxima pars ipsius Anglie tanquam falsam, erroneam, ac hereticam profusum damnant, & execruntur. Adeo ut nullum rotu orbe angulum, nullam Sectam, aut Sectarium mihi possit demonstrare, qui in constituendo Capite, primaru, & hierarchia Ecclesiæ, cum Anglicana Protestantum Secta conveniat.

Tunc Sall, & Sal, ut ipse putas, magnæ sapientiae, tunc sanâ mente ponderasti pro Ecclesiæ Romana tantam tamque confitentem omni ævo Miraculorum gloriam, quam ipse Christus publicam vera Ecclesiæ notam ac testimonium esse pronuntiat. Non ignoras quanta Compostelle, ubi aliquando vixisti, edantur prodigia omnibus conspicua, quanta Lautreti in ipso finu Ecclesiæ Romanae, uralia fileam toto orbe notissima. Sat tibi nota constantia tot Martyrum signis innumeris à Deo comprobata, qui omni ævo veritatem Religionis Romanae suo sanguine ita configurarunt, ut nullis Tyrannorum tormentis ( multò minus unius pseudo-Episcopi blanditiis ) à primævæ fidei confessione dimoveri potuerint.

Hanc tu Religionem pro animæ tua salute tibi deferendam conclusis, & amplectendam Sectam patitorum Protestantum, cuius originem, aut progressum omni ævo à Christo usque ad Lutherum, & tu, & orbis universus ignorat. Pro cuius veritate, præaliis Sectis, que ipse condemnas, nullum particulare Dei testimonium, nullum generale Concilium, nullum divinum Miraculum, nullum seculorum aut gentium consensus poteris in medium proferre. Quidquid enim tu pro Cœtu protestantium sive et arcano, ubique ignoto Spiritus testimonio, sive ex Scripturarum intelligentia illis solis à Deo donata, prætendes; idem sibi Puritanis, idem Anabaptistæ, idem independentes, idem reliquorum Sectarum colluvies eodem jure vindicabis. Non tantum ergo totius orbis Catholici suffragio, sed tuo etiam judicio constrictus & condemnatus teneris.

Heu Sall Imferande, Sal infatuatus, adeone tuus ille in Christo Pater, aut potius paricida, te potuit dementare, & omnem bona mentis aciem eripere

eripere, ut in Conclusionem tam stolidam, tam ex-  
cam, tam infamem te adactum fateare? Quā tandem  
factū est, infāstā metamorphosi, ut qui poteras  
tibi & aliis Salē Christianae Sapientiae, nunc ut insul-  
sum cadaver ad nihilum valeas ultra, nisi ut mittaris  
foras, & ab hominibus ubique gentium tuo merito  
conculceris.

At agnoscē infelix, agnoscē tandem, quanta te in-  
volverit mentis caligo, quā caco impetu Te in hanc  
erroris abyssum p̄cipitem adegit. Revoca, dum  
lacet, infaultum gradum, quo ad interitum festinas.  
Aderit brevi dies illa extrema, aut potius nox caligi-  
nosa, in qua dabitur profligate vitæ errata ferō agno-  
scere, nunquam reparare. Respice vel nunc statum  
anum tuæ miserandum, in quem te ultro demersisti.  
Extra finum matris Ecclesie tanquam abortivum te  
projecisti: sacrum Sacerdotii ministerium tot modis  
temerasti; vota Deo nuncupata auſu Sacrilego pro-  
culasti: omnia salutis remedia tanquam inane ludibriū  
longe abjecisti. Et adhuc tot scelerum reus  
haud ferio advertis, quām horrendum te judicium,  
quām dira sententia, quām immane barathrum expe-  
ctet. Quid dico expectat? Jam coram orbis tribunali  
tua perfidia patefacta est, omnium iudicio conde-  
matus, & vinculis tuae conscientia constrictus teneris,  
in profundum gehennæ, nisi resipiscas, quā nescis ho-  
rā abripendus. Ridet interea & exultat in interitu  
tuo infaulta Hæretis, ejusque Ministri, quibus te ne-  
fandis errorum catenā mancipandum tradidisti. At lu-  
get ex adverso funus tuum Patria charissima que te  
olim genuit: luget Ecclesia que te à teneris in finu fo-  
vit: luget Cetus ille Sanctissimus, qui te optimis le-  
gibus & exemplis instituit. Si enim censenus com-  
muni lucretu deflendum corpus quod deseruit anima,  
quomodo non deflenda est anima quam deferuit  
Deus?

Atque utinam tandem tu teipsum deflere incipias:  
neque verò poteris, nisi ferreus es, à salubri lucretu ac  
lachrymis temperie, si oculis tuis ferio proponas sta-  
tum anima tuæ tot modis horridū ac luctuosum: defor-  
mata omnia pristine Religionis vestigia, obliterata  
pietatis speciem, extirpata probitatis imaginem, aut  
potius in imaginem Satanæ sacrilego furore transfor-  
matam.

Pandit adhuc Clementia finum prodigo Filio be-  
nignus Deus. Humanum esse novit labi & errare,  
sed demoni proprium in errore perdurare. Unica  
ad salutem restat via, à lapsu gradum revocare, erro-  
res agnoscere, ac palam abdicare. Non defunsi tibi  
etiam in Anglia non indecora magnorum herorum ex-  
empla, qui non dubitarunt abdicato quovis officio,  
dignitate, & Aula gratiâ, errores potius corrigerere, &  
ad Romanæ Ecclesie gremium convolare, quam certi-  
ssimum æternæ salutis naufragium incurtere. Et tu  
tandem Saul, qui hos secutus es errantes, sequere dum  
licet p̄nentes: utque in oppugnanda Christi Eccle-  
sia te subito in Saulum transformasti, ita in propa-  
landa ipsius fide ac veritate, te deinceps Paulum  
exhibe. Hoc à te suo jure depositi toties indi-  
gnè proculata Religio, violata conscientia & æqui-  
tas & caput est, nunquam nisi sic evitanda morsilla  
immortalis, & gehennæ nunquam extinguae sup-  
plicia.

Quod si in ista qua detineris mentis caligine, in-  
cipiat tandem tibi radius aliquis divinæ lucis obori-

R.P. Arfdekk. Tom. I.

ri, reflece oculos ad Petram unde excisus es, neque  
pudeat post tot errorum labyrinthos ad agnitam olim  
Ecclesiæ Catholice semitam respectare.

Utque tibi ad hoc non defint Considerationes ido-  
neæ, quas in Dei conspectu sincero animo revolvas,  
non reculavī (utinam in tuam quoque salutem) labo-  
rem formandi in hoc Opere pauca quædam ac dilucida  
argumenta, quibus necesse est à Novatorū erroribus ad  
veram Eccleiam quælibet adduci, qui apertam salu-  
tis viam animo non penitus obsecato investigare vo-  
luerit.

*Refelluntur Calumniae Sectariorum in Anglia ma-  
lignè confitæ contra Patres Societatis ibidem.*

Nihil omni tempore studiosius agunt Sectarii illi-  
quām ut Patres Societatis præ cæteris persequan-  
tur, exterminant, & populo reddant execrables, ne  
illi suis erroribus p̄gant obsistere. In hunc finem  
maligñè illis affingunt opiniones maximè detestabiles,  
uti de licito uſu æquivocationum ad tegendam con-  
jurationem in Regis vitam: de absolutione, & ne-  
gatione istius criminis etiam cum juramento in articulo  
mortis: de licita occisione Regis hereticū ut Reli-  
gio Catholica introducatur: & depositione illius per  
subditos si à Papa excommunicetur: & per dispensa-  
tionem Papæ posse mendacium fieri licitum, & alia  
qua hic sequentur.

Sed contra has calumnias. Primo, Manifestum  
est ex Societatis probatis Doctribus in Libris publi-  
cis, & toti orbi conspicuis, doctrinam illius odiosis  
illis, & calumniis assertiōnibus proſus adversari.  
De quibus, aliisque hujusmodi, pluribus *Martinus Be-  
canus Opusculo 12.*

Secundo, Patet hoc evidenter ex publica Decla-  
ratione ipsius Regis Galliæ Henrici IV. qui in hoc  
contra Calvinistas calumniatores Jesuitarum patroci-  
nium pridem suscepit. Sic enim inter alia pronun-  
ciavit coram Senatu Parisiensi in p̄vigilio Nativitatis  
Christi anno 1603. Neque verò (illi) aliquid  
docent, quo Ecclesiastici mihi non tribuant quod est  
tribuendum: Nec unquam inventus est qui ab iis ne-  
cem Regum didicerit. Quare, totum hoc quod illis  
objicitur, nihil est. Ita hæc, aliqua manifeste confit-  
mat *Antonius Possevinus in Apparatu sacro tomo 3.*

Tertiò, ut horum singula in particuli redcantur  
omnibus manifesta prorius, & irrefragabilia, Ipsius  
Societatis Anglicanæ Declarationem de singulis diserte  
ad verbum expressam, hic ex ipsius actis fideliter subji-  
cio.

*Declaratio Patrum Societ. 7 E S V Provincie An-  
glicana facta in Congregatione Provinciali ha-  
bita Gandavi ad 1. Iuli Anno 1681.*

Cum non solum detestandam nobis conjuratio-  
nem malitiosè affinxerint in Anglia Hæretici, ve-  
rum etiam varias à Christiana, & vera Theologia per-  
quam alienas, summèque execrables opiniones atque  
sententias, videlicet.

- I. Licitum esse per æquivocationem suscepit in  
vitam Regis conjurationem tegere, etiam cum legitime  
quis a Juge interrogatur.
- II. Posse quæpiam qui criminis commissi absolu-  
tionem

## Art. V. Sectarum singularum Dogmata particularia.

tionem Sacramentalem acceperit, illud in articulo mortis legitimè interrogatum, etiam cum juramento, negare, quamvis ipse ipso de illo sermonem instituat.

III. Licere subditis interficere Regem Protestantem, ut eo amoto introducatur fides Catholica: & si Regicida eo titulo morti adjudicetur, cum Martyrii laurea coronandum.

IV. Regem à Papa excommunicatum à Subditis suis deponi, & occidi posse.

V. Papam suā dispensatione licitum posse facere in ullo casu mentiri, aliave contra legem Dei mala perpetrare, ut inde boni aliquid eveniat.

VI. Licere uxori maritūm concubinarium è medio tollere.

Patres Professi Provinciae Anglicanae juxta triennalem morem congregari declarant, se neque didicisse, neque docuisse, neque audivisse ab ullo è Patribus nostris edocatas unquam fuisse prædictas propositiones: imò singulos, eas omnino detestari. Actum Gandavi in domo tertiae probationis Anglorum Societatis. Iesu 4. Julij 1681.

De *juramento Fidelitatis* ibidem sic decernitur. Ut uniformiter (quod in Congregatione rogatum fuit) inter Nostrorum in modo agendi circa juramentum Fidelitatis, uti vulgo nominari solet, procedatur.

I. Profiteamur omnes tantam à nobis singulis erga Regem nostrum cum res tulerit, sincerè jurandam, & exhibendam obedientiam, atque fidelitatem, quanta ab ipsis ubi vis Catholicis subditis quibuscumque Principibus exhiberi solet.

II. Juramentum Fidelitatis, uti jam est, variis heterodoxis inspersum clausulam, suscipi non posse, præfertim cun id summorum Pontificum Brevibus sit datum.

Actum in Congregatione Provinciali Patrum Anglicorum Societatis / E.S.U celebrata Gandavi in Domo tertiae probationis ejusdem Societatis die 5. Julii 1681. Nonne hæc perfecta fidelitas est ex ipsa Christi sententia, Reddere quæ sunt Cæsaris, Cæsari, & quæ sunt Dei Deo?

Experimenta certè hujus Fidelitatis habuit Rex Carolus Primus, & Secundus, dū à suis subditis Heterodoxis & secutim ille, & hic exilia passus, Patres, & Catholicos Angliae & Hiberniae habuerunt sibi fidelissime & constantissimè adhærentes, etiam cum fortunatum, terrarū, & bonorum pñm omnium jaētura. Hæc nemo ignorat qui in præteriorum temporum rebus recenter gestis aliquid habet memoria.

Quis non meminuit, dum Rex exil in Gallia versatur, quot legationibus ex parte Catholicorum in Hibernia solicitatus fuerit ut eō securus adveniret, ab omnibus Regni Catholicis recipiendus, & ad extremum usque spiritum defendendus. Ac postea ipso in suum locum Proregem transmittente, quomodo contra Regis hostes heterodoxos pro ipsis jure ac corona usque ad extremum Patriæ exitium fidelissime decertaverint.

Recenti & ipse memoria retineo, dum idem Rex Carolus II. in Belgium profugus cum Fratribus adveniret, quantà fidelitate pñ alius, Catholicus Pñceres plurimi à Angli, quam Hiberni ipsi adhaerent; ac eorum Legiones integræ se Regis ac Ducis Eboracensis obsequio mancipaverint. Hæc sanè, & alia quæ prætero, potentissima sunt Catholicorum erga suum Règem fidelissime.

litatis exempla, quæ si memoriam recolantur, facilè poterunt obstruere ora loquentium iniqua, & ab æquo, novoque Rege præmia potius, quam calumniarum fidem promereri.

## ARTICULUS V.

*Novarum Sectarum dogmata Particularia proponuntur.*

*Hereses Calvinii cum Lutheru communes.*

C Alvinus, qui fuit tempore posteriori Lutheri quietus est, & infuper novos addidit, quos superius variis locis singillatim refutavimus. Quoniam verò ex illis profluxerunt plurima dogmata recentiorum Sectarum, illos etiam hic sub unum aperctum summatim profremus.

Docuerunt illi, Scripturam esse per se claram, & solam Regulam Fidei.

Traditiones non esse admittendas.

Ecclesiastici Romanam successu temporis à vera Fide defecisse.

Pontificem Romanum non esse Caput Ecclesie, nec judicem controversiarum fidei.

Sanctos non esse invocandos, nec honorandas eorum imagines, aut reliquias.

Sacramentum Confirmationis, extrema Unctionis, & quedam alia non esse admittenda.

Sacrificium Missæ abrogandum: Communionem dandam sub utraque specie.

Purgatorium non admittendum, nec indulgentias, nec preces pro defunctis prodesse.

Confessum non requiri in Ministris Ecclesie.

Liberum homini arbitrium ad opera bona, & malam per primum peccatum periisse.

Ex sola Fide hominem justificari, non ex Merito bonorum operum.

Jejunium, abstinentiam, & alia præcepta Ecclesie explodenda esse. In his plura particularia dogmata continentur, & alia singulare Lutheri accuratè exprimitur in Bulla Leonis X. in fine hujus Tractatus.

*Dogmata Calvinio propria his addita.*

D Eum secundum essentialē perfectionem non esse infinitum. Nec ubique presentem in hoc mundo, se ubique in celo.

Decreta Dei non esse ab æterno. Dei æternitatem non esse indivisibilem, sed divisibilem & successivam.

Christum non esse mortuum pro omnibus, sed pro solis prædestinatis.

Illum in cruce desperasse, nec verè ac propriè descendisse ad inferos.

Per suam mortem ac passionem nihil sibi meruisse.

Christum ab initio multa ignorasse, quæ postea didicit. Sed in hunc errorem lapsus est etiam Lutherus.

Imaginem Christi honorandam non esse.

Prædestinatos esse ab æterno quosdam homines ad gloriam, & quosdam ad damnationem, sine ullo ipsorum merito, aut horum culpa, sed ex Dei beneplacito.

Hoc decretum prædestinationis tam fixum esse ut tollat omnem arbitrii libertatem in negotio prædestinationis.

Gratiam per Christum dari solis prædestinatis. Et his non dari gratiam habitualē sive sanctificantem.